

Nützjonix

D A h e D E A

Mitünner hebbt wi Sorgen - gelingen deit uns nix,

wat schüllt wi uns beklagen? Nützjonix!

Dat Leven kannst ni planen - is mennigmal verflixt,

dar dörvt wi ni verzagen! Nützjonix!

Ref: Nützjonix - kannst nix bi maken,

Nützjonix - wat mutt, dat mutt!

Dusend vigeliensche Saken,

Irgendwie kümmt doch to Putt.

Nützjonix - nu nimm dat Leven

Mit Humor un'n beten Witz.

Ni lang argern oder grämen.

Schiet egal - dat nützjonix!

Dar hölpt di ok keen Voodoo - un keene plietschen Tricks
keen Doktor un keen Guru - nützdarnix!

Un ok keen Schruvenslötel - keen Geld, keen Crucifix,
Malöör kannst ni bedüseln - nützjonix!

Mancheen will wat bewegen - se kriegt em bi de Bux
nu brummt de Kirl ´n beten - nützjonix.

De anner will nach baven - un lannet achtern Knick.
Dar kann he sik verhalten - nützjonix.

Un kümmt du inne Krise - warst mööd büst ni mehr fix,
hol fast an de Devise: Nützjonix!

Du schasst di ni verstecken - du ole Bangebüx!
Schasst all den Schiet vergeten - nützjonix!